

Ա. ԿԻՐԱԿՈՍՅԱՆԻ «ՄԱՅՐԱՄՈՒՏԻ ՇԵՄԻՆ» ԳՐՔԻ ԱՌԹԻՎ

ՎԱՐԴԳԵՍ ՄԻՔԱՅԵԼՅԱՆ

Իմ կյանքում ոչ քիչ թվով դրախտուածություններ եմ գրել, կարծիքներ հայանել շատ դրքերի մասին, և այնուամենայնիվ պիտի խոստովանեմ, որ թերևս ոչ մի գիրք դնահատելիս այնպիսի դժվարության չեմ հանդիպել, ինչպես Ա. Կիրակոսյանի սույն դրքի պարագայում¹: Եվ ես կանխավ գիտեմ, թե որն է դրա պատճառը. Ա. Կիրակոսյանի «Մայրամուտի շեմին» վերտառությամբ հուշերն ու մտորումները, ըստ էության, մեր ժողովրդի անցած գարի 40–90-ական թվականների, մի ամբողջ հիսնամյակում անցած պատմության սոսկ հուշապատումը չէ, այլ նրա վերլուծական շարադրանքը կատարված ականատեսի, դեպքերին մասնակցի, և որն առավել կարևոր է, հանրապետության սոցիալ-տնտեսական և գիտամշակութային կյանքին իր անուրանալի վաստակը բերած մարդու խորաթափանց գրչով: Եվ իզուր է հեղինակը ջանում ընթերցողին համեստորեն համոզել, թե իր նպատակը չի եղել տալու «դեպքերի քննական տեսությունը և գնահատականը»: շեշտենք թե՛ մեկը և թե՛ մյուսը առկա են դրքում, և դա նրա հուշապատման ու մտորումների ամենաէական կողմերից մեկն է, հանգամանք, որը գրքի հարուստ փաստական պատումը բարձրացրել է գիտավերլուծական մակարդակի դրանով իսկ ընթերցողին մղելով ամեն քայլափոխի ցուցաբերելու սթափ, շարադրանքն ըստ արժանվույն գնահատելու մոտեցում:

Այս վերապահումով հանդերձ Ա. Կիրակոսյանի «Մայրամուտի շեմին» գիրքը, հարկավ, հուշապատում է, բայց նաև խոհեր ու մտորումներ մեր մոտիկ անցյալի, ներկայի և գալիքի մասին, ես կասեի՝ ուսուցողական մի ձեռնարկ, մանավանդ Հայաստանի ներկա կառավարողների համար, եթե, իհարկե, նրանք ցանկություն և ուշիմություն ունենան ունկնդրելու իրենց փորձառու ու բանիմաց նախորդի իմաստալից խոսքին, դասեր քաղելու նրա խորհուրդներից ու ասածից:

«Մայրամուտի շեմին» հուշադրությունը սկզբից մինչև վերջ ընթերցվում է համակ ուշադրությամբ: Եվ դրա պատճառը միայն մեր ժամանակակցի հարուստ և «բազմաժանր» կենսադրությունը չէ, այլ նաև՝ դեպքերն ու դեմքերը տրամաբանական կուռ շարադրանքով, հաճախ նաև պատկերավոր ներկայացնելու նրա դրելաոճը, և թեև շարադրանքի բերումով հաճախ ընդհատումները հաջորդում են մեկը մյուսին, դա չի խախտում գրքի ամբողջականությունը, որը, ինչպես ակնարկվեց, հանրապե-

¹ Ա ի ք ո ս յ ն Կ ի ր ա կ ո ս յ ա ն. Մայրամուտի շեմին. հուշեր և մտորումներ. Երևան, 2002, 288 էջ:

տուլթյան վերջին տասնամյակների պատմության խորացված ներկայացումն է իր հիմնական գծերով նրա տնտեսական, քաղաքական և մշակութային կյանքի բնութագիր-պատկերը:

Շեշտենք, որ հեղինակը գրքի շարադրանքը վարում է պատասխանատվության խոր զգացումով, երկրի ու ժողովրդի հանգեպ տածած անսահման սիրով ու հարգանքով, տեղ-տեղ էլ կարեկցանքով, սրտագին ու հիմնավորված ավտիանքի զգացումով:

Գիրքն ունի 7 բաժին տարբեր ծավալի ու չափի: Իր և իր ընտանիքի մասին հակիրճ պատմելուց հետո հեղինակը մնացած չորս բաժիններում ծավալվում է իր հիմնական ասելիքի շուրջը. դրանք են՝ Հայրենական պատերազմի ռազմաճակատների և ետպատերազմյան տարիներ, մշակույթի աշխարհում և քաղաքական մի քանի դիմանկարներ:

Ա. Կիրակոսյանի պատումը բովանդակալից է, ուշագրավ և շատ կոդեքսով ուսանելի, որովհետև այդպիսին է եղել նրա բուն կյանքի ճանապարհը, որը նա հավաստում է հետևյալ ստույգ ձևակերպմամբ. «Ես Հայաստանի երեք հանրապետությունների ժամանակակիցն եմ և պատկանում եմ քառասնական թվականների այն սերնդին, որը աշխարհ եկավ XX դ. սկզբի նյուվյալ տարիներին և անցավ դժվարին, տատասկոտ և, հիրավի, հերոսական ճանապարհ, ըմբռնեց մարտական փառքի և ստեղծագործ աշխատանքի բերկրանքը, բայց արդյունքում ապրեց մեծ հիասթափություն՝ ականատես դառնալով այդքան դժվարությամբ, մեծագույն ջանքերով ստեղծված արժեքների ոչնչացմանը, կատարված գործի ուրացմանը» (էջ 3):

Ամեն մի ազնիվ քաղաքացի հայ, որ իր մաշկի վրա զգացել է այդ տարիների թե՛ բերկրանքը և թե՛ տառապանքը, աներեր կստորագրի հեղինակի այս բանաձևման տակ, որովհետև այն ճշմարիտ է և անառարկելի:

Հեղինակը հակիրճ, բայց բովանդակալից շարադրանք է նվիրել բանակում և Հայրենական պատերազմի ռազմաճակատներում իր անցած ծառայության վեց տարիներին: 1922–1923 թթ. ծնվածների միայն 2–3 տոկոսը տուն վերադարձավ, շեշտադրում է նա և ավա անգրագառնալով դեներալ Պավլուի և մյուսների գնդակահարությանը, իրավացիորեն նշում, թե նման իրավիճակներում քափության նոխարի դերում հայտնված մարդիկ «դաժանորեն պատժվում են ոչ այնքան իրենց, որքան պատժողի սխալների համար» (էջ 22): Հստակեցնելով միտքը, նշենք, որ պատժողը Ստալինն էր, որը դա անում էր սեփական մեղքերը վարագուրելու համար:

Ես նկատել եմ և սեփական փորձից էլ դիտեմ, որ պատերազմի բովով անցած շատ մարդիկ այնքան էլ չեն սիրում տարածվել այդ թեմայի շուրջը՝ «վերջի վերջո պատերազմ էր և ում վիճակվել էր պետք է մասնակցեր նրան»: Փաստորեն գրեթե այդպես է վարվել նաև Ա. Կիրակոսյանը՝ պատերազմին ունեցած իր մասնակցությանը նվիրելով ժլատ պարբերություններ, թեև հանրավորություն ուներ տարածվելու որքան ուզես...

Գրքի ծանրակշիռ մասը (39–218 էջեր) հեղինակի ետպատերազմյան տարիների աշխատանքային գործունեության նկարագիրն է՝ գործունեություն, որն անցել է Սպիտակում, Անիում, Ամասիայում, Ղուկասյանում, Հոկտեմբերյանում, իսկ 1956-ից՝ Երևանում: Այդ տարիներին էր, որ

նա դարձավ Հանրապետությունից ամենաճանաչված, ես կասեի նաև անկախ դատաբանական պաշտոնից, ամենաազդեցիկ և հեղինակավոր գործիչներից մեկը: Նշված էջերում երևում է Ա. Կիրակոսյանի բոլորանվեր մասնակցությունը Հանրապետության վերընթաց զարգացմանը, և դա ոչ միայն ի պատիվն է... Ալեքսան Մատվեիչը, անկախ զբաղեցրած պաշտոնից, շարունակ Հանրապետության բազմաբնույթ զարգացման կիզակետում էր, ջանալով որքան հնարավոր է նպաստել դրան:

Ա. Կիրակոսյանի «Մտորումներ» որ հատվածն էլ վերցնենք, կտեսնենք փաստերի առատ ընդգրկում և դրանց յուրովի, ճշմարիտ մեկնաբանում: Այս առումով հատկապես կուզենայի առանձնացնել մշակույթի և քաղաքական-հասարակական գործիչներին նրա տված բնութագրերն ու գնահատականները (վերջին երկու դրոսները). դրանց հետ անհնարին է չհամաձայնել, քանի որ դրանք ուղղամիտ ու բանիմաց մարդու խոսքն են՝ ուղղված հայտնի մարդկանց հասցեին, որոնց մի մասը նրա գործընկերներն են, իսկ մյուսները մտերիմներ և պարզապես մոտիկ ծանոթներ:

Ավարտելով մեր հակիրճ խոսքը, կարծում ենք, պատմաբանները, առհասարակ հասարակագետները շատ բան կքաղեն Ա. Կիրակոսյանի խորհուրդ-մտորումներից. կասկած չունեմ, որ այս գիրքը երևույթ է մեր պատմահուշագրական դրականության մեջ և դեռ երկար ժամանակ կպահպանի իր որոշակի արժեքն ու ազդեցությունը: